

baino lehen. Justifikazioetan 2015 urtean aitzinera eramandako proiektuen exekuzio eta justifikazioa aurkeztuko dira. Erregistroa Baztango Udaletxeko bulegoan edo bertze entitate publiko bateko erregistro ofizial bidez egin beharko da, ez dira gizarte zerbitzuko emailera Igorritako justifikazioak onartuko.

Memoria horretan honako hauek jasoko dira:

a) Diru-laguntza ematerakoan ezarritako baldintzak betetzen dituela frogatzeko jarduketa memoria bat, egindako jarduerak eta lortutako emaitzak azalduko dituena. Adibidez, hasierako helburua, gorabehera nabarmenak, helburuen lorpena, zenbat onuradun, zailtasunak, genero-ikuspegiaren tratamenduari dagozkion ondorioak... Datuak sexuaren arabera bereizturik aurkeztuko dira.

b) Jarduerak eragindako gastuen eta inbertsioen zerrenda sailkatua, non ondokoak identifikatuko baitira: hartzekoduna, agiria, zenbatekoa, jaulkitze-data eta, jada ordaindua izanez gero, ordainketa-data. Diru-laguntza aurrekontu zenbatetsi baten arabera ematen bada, desbideratu dena adieraziko da.

c) Diruz lagundutako Jarduera finantzatu duten bertze diru-sarrerak edo diru-laguntzak xehe-mehe adierazita, horien zenbatekoa eta jatorria barne.

d) Halakorik balitz, aplikatu gabeko geldikinak eta horiei dagozkien interesak itzuli izanaren ordainketa-agiria.

Organo emalleak egiaztatuko ditu, laginketa bat eginez, bidezkotzat jotzen dituen egiaztagiriak, diru-laguntza egoki aplikatu dela arrazoiz frogatzeko. Horretarako, onuradunari eskatuko zaio hautatutako gastuen egiaztagirak igortzeko.

Epez kanpoko justifikazioak ez dira onartuko.

Errekurtsioa

Oinarri hauen aurka eta haiek betearazteko hartzen diren egintzen aurka errekurtsio hauetako edozein aurkeztu ahaliko da:

1. Berraztertze errekurtsioa, hautara, ebazpenaren udal organo egileari zuzendua, hilabeteko epean, errekurritzen den egintza jakinarazi eta biharamunetik hasita, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 116. eta 117. artikuluek xedatutakoaren bat.

2. Administrazioarekiko auzi-errekurtsioa, zuzenean arto bereko epaitegiari edo salari zuzendua, bi hilabeteko epean, ebazpena jakinarazi eta biharamunetik hasita, Administrazioarekiko auzien jurisdikzioa arautzen duen uztailaren 13ko 29/1998 Legearen 8.1 artikulua agintzen duenaren arabera.

3. Eta, hautara, gora jotzeko errekurtsioa, zuzenean Nafarroako Administrazio Auzitegiari zuzendua, hilabeteko epean, ebazpen hau jakinarazi eta biharamunetik hasita.

L1513337

BAZTAN

Baztango kirol-klubek ohiko kirol-jarduerak garatzeko diru-laguntzak eskatzeko deialdi publikoa. 2015 urtea

Baztango Udalaren Tokiko Gobernu Batzarrak, 2015eko irailaren 25ean egin bilkuran, onetsi zituen 2015ean Baztango kirol-klubek ohiko kirol-jarduerak garatzeko diru-laguntzak eskatzeko deialdi publikoa arautzen duten oinarriak (ondoren heldu direnak).

Baztanen, 2015eko irailaren 25ean, Alkatea, Joseba Otondo Bikondoa.

BAZTANGO KIROL-KLUBEK OHIKO KIROL-JARDUERAK GARATZEKO DIRU-LAGUNTZAK ESKATZEKO DEIALDI PUBLIKO ARAUTZEN DUTEN OINARRIAK

1. artikulua. Xedea.

Oinarri hauen helburua da Baztanen egoitza soziala duten kirol-klubek ohiko kirol-jarduerak garatzera zuzendutako diru-laguntzak norgehiagoka emateko araubidea jartzea.

2. artikulua. Helburua.

Diru-laguntzak dagokien urteko libeltzaren 1etik abenduaren 31ra bitarte egiten diren kirol-jarduerak burutzean sortutako gastuen zati bat ordaintzeko erabiliko dira.

3. artikulua. Onuradunak.

Baztanen egoitza soziala duten kirol-klubek hartzen ahal dituzte oinarri hauen xede diren diru-laguntzak.

4. artikulua. Betekizunak:

1. Eskatzaileak.

–Baztanen egoitza soziala duen kirol-kluba izatea.

–Diru-laguntzei buruzko azaroaren 17ko 38/2003 Lege Orokorren 13. artikuluan diru-laguntzak eskuratzeko paratutako debekuren batean ere ez egotea.

–Baztango Udalak aitzinetik emandako diru-laguntzen justifikazioak behar den moduan eta egunean izatea.

–Zuzenbide publikoaren zerga-bete-beharrak eta Gizarte Segurantzarekikoak ere ordainduak izatea, eta Baztango Udalarekin zorrik ez izatea.

2. Kirol jarduerak.

–Irabazi-asmorik gabeko kirol-jarduera izatea, eta, hortaz, diru-laguntzak ezin izaneren dio inola ere diru-laguntza eskatu duen kirol-klubari irabazirik ekarri.

–Diru-laguntzaren xede den jarduerak irekia izan behar du. Baztanen eroldaturiko lagun orok parte hartu ahal izaneren du eta horretarako kirol-klub eskatzailearen kide izatea ez da ezinbestekoa izaneren.

–Ez dira baztertzailak izaneren arraza, sexu, erlijio, iritzi edo bertzelako arrazoiengatik.

–Heritar guztiek jardueraren informazio publikoa izaneren dute.

–Aurkeztu diren proiektuak gauzatzeko, jarraipena egiteko, justifikatuak eta baloratuak izateko modukoak izaneren dira eta horretarako balibideak edukiko dituzte.

–Jarduerak finantza-bideragarritasuna izaneren du. Kirol-klub onuraduna arduratuko da Baztango Udalaren diru-laguntzaren bitartez estali ez den gastua estaltzeaz, eta horretarako finantziario publiko edota pribatuko bertze iturri batzuek baliatuko da.

–Aurkeztutako proiektuak ez da udal eskaintzarekin lehiatuko. Udal eskaintzarekin lehia egiten duten proiektuak haren helburu antzekoak dituzten aktibitateak hartuko dira, edozein dela ere eskaintzen diren hizkuntza.

–Diru-laguntzaren xedea den jarduera kirol-klub eskatzaileak berak antolatua izaneren da, edo kirol-klubak horretan parte-hartuko du.

–Eskolako adinean dauden haurrentako antolatzen diren kirol-jarduerak Udalerriko ikastetxeetako ordutegiz kanpo burutuko dira eta Baztango populazio osoari zuzenduko zaizkie.

–Diru-laguntza horren onuraduna, batez ere, Baztango udalerria izaneren da.

–Baztango udal esparruan euskararen erabilera eta sustapena arautzen dituen ordenantza beteko da.

5. artikulua. Kontu-saila.

Diru-laguntzak ordainduko dira Baztango Udaleko aurrekontu orokorretan Tokiko Kirolerako eta Gainerakoendako diru-laguntzak izeneko 1-452-48900 kontu-sailaren kargura, kreditua dagoen bitartean.

6. artikulua. Diruz lagun daitezkeen kirol-jarduerak.

Diru-laguntzak kirol-klubek modu egonkor eta etengabe gauzatzen dituzten kirol-jardueretarako emanen dira, betiere baztandar guztiendako zuzentzen badira.

Diruz lagundu daitezkeen kirol-jarduerak, izaeraren arabera, mota hauetakoak izaneren dira:

1. Aisialdiko kirol-jarduerak. Aisialdiko kirol-jardueratzat joko dira mota guztietakiko kirol-jarduera irekiak kirol federazioetako txapelketa ofizialekin sartuak ez daudenak, baldin eta haien helburu nagusiak kirol-jardueraren zein kirolen bat sustatzea, horietako batean hasia edota aritzea badira.

2. Federazioetako txapelketa ofizialekin sartuak dauden kirol-jarduerak.

Diruz lagungarriak direnak:

1. Kirol-jarduerak antolatzea, betiere Baztanen berean gauzatzen badira eta mota hauetako jarduerak baldin badira:

a) Txapelketak.

b) Txapelketak ez diren kirol jarduerak.

c) Oinarriko kiroleko kirol-eskolak, maila honetakoak: kadeteak, haurreak, kimuak, benjaminak eta txikiagoak.

d) Monitoreak, entrenatzaileak prestatzeko jardunaldiak.

2. Kirol-jardueretan parte hartzea. Kirol-jarduerak diru-laguntza jaso ahal izateko, parte-hartze horrek diru-laguntza eskatu duen kirol-klubaren izenean izan beharko du; klubaren izenean jardueran parte hartzen dutenen %70ak Baztangoa izan beharko du, gutxiengoaren kiroletan (1) izan ezik, kasu horietan porzentajea %50era ekar daiteke; eta parte-hartzen duten kirol-jarduerak hauetakoren bat izan beharko du:

a) Txapelketak:

–Federazioen txapelketa ofizialak.

–Ofizialak ez diren txapelketak (kirol-federazioek antolatzen ez dituztenak). Atal honetan diruz lagungarriak diren mailak hauek dira: gazteak, kadeteak, haurreak, kimuak, benjaminak eta txikiagoak.

b) Monitoreak, entrenatzaileak prestatzeko jardunaldiak.

(1) Gubxiengoen kiroltzat hau hartzen da: Nafarroako Foru Komunitatean kirol-federazioa duen kirol-modalidadea, Nafarroako kirol-federatu osoaren lizentzien %1 baino federatu-lizentzi gehiago ez duena.

7. artikulua. Eskaerak.

Eskaerak eta agiriak aurkezteko modua eta epea.

–Epea. Eskaerak egiteko epea deialdi hau Nafarroako Aldizkari Ofizialean argitaratu eta hurrengo egunetik kontatzen hasita, 30 egun naturalen barnean. Eskabideak aurkezteko epea luzaezina izanen da. Eskabideak ezarritako epez kanpo aurkezteak onartuak ez izatea ekarriko du.

–Non. Diru-laguntzaren eskaerak eta agiriak Baztango Udaletxeko Erregistroan aurkeztuko dira.

–Agiriak.

a) Eskaera-orria. Eskaerak egiteko eskaera-orri ereduak erabiliko dira. Eskaerak egiteko informazioa eta eskaera-orri ereduak Baztango Udalaren web orrialdean (www.baztan.eus), eta Baztango Udaleko kirol-bulegoan eskuratu ahal izanen dira. Eskaera-orri bat beteko da diru-laguntza eskatzen den kirol-jarduera bakoitzeko (modalidade, txapelketa, maila eta taldeko).

b) Kirolarien datuak:

–Kirolari parte-hartzaileen edota kirolari federatuen lizentzien zerrenda kategorien arabera, datu hauek dituela: izen-abizenak, sorteguna eta erroldako helbidea.

–Lizentzia indarrean duten entrenatzaileen zerrenda, haien maila zehazturik.

Eskaerak aurkezteko epea akizterakoan kirol-jarduera batek bere denboraldia hasi gabe badu, kirol-klubak aitzineko denboraldiko kirolari eta teknikarien zerrendak aurkeztuko ditu.

c) Baztango Udalak, kasu zehatz bakoitza kontuan hartuta, egokitzat jotzen duen bertzedezein dokumentazio osagarri eskatu ahal izanen dio eskatzaileari, aurkeztutako eskaeraren balorazioa egiteko.

8. artikulua. Gastu konputagarriak:

a) Kirol-jardueran izen-ematea.

b) Federazioko gastuak: lizentziak, arbitrajeak, epalleak, fidantzak, eta federazioko bertzelako gastuak.

c) Txapelketetara joan-etorriak: joan-etorrien abiapuntutako kirol-klubaren egoitza sozialaren helbidea hartuko da.

–Garraio enpresari ordaindutakoa.

–Joan-etorria norberaren kotxean egiten baldin bada, hauek dira kontuan hartu beharrekoak:

- Kotxearen eta parte-hartzaileen arteko onartutako erlazioa 1/5 izanen da. Kirol-jardunaldira zenbat jokalarik joan diren frogatzeko kirol-jardunaldi horren akta aurkeztuko da.

- Kilometro-ordaina honela balioztatuko da 0,25 euro/km.

d) Kirolarien ostalua eta mantenua lehiaketetarako joan-etorrietan. Gastu hauek joan-etorria 400 km baino gehiago bada onartuko dira.

e) Kirol-material suntsikorra.

f) Jokalarien kirol-ekipamendua.

g) Monitoreendako eta entrenatzaileendako ordainsariak.

h) Monitoreen, entrenatzaileen prestakuntza.

i) Udalarenak ez diren kirol instalazioak alokatzea, argia eta mantentze-lanetako gastuak. Baldin eta ez badago Baztanen Udalaren kirol-instalazio egokirik kirol-jarduera mota zehatz hori garatzeko.

j) Jardueraren antolaketa-gastuak:

–Bulegokoak: idazpaperak, informatikako material suntsikorra, telefonoa, posta, webgunearen sortzea eta mantentzea.

–Kartelak.

–Anbulantzia, medikua.

–Garaikurrak, sariak, dorsalak.

–Parte-hartzaileen anoa-homidura. Anoa-horniduratako kirol-jarduerako parte-hartzaileek edaten eta jaten dutena hartzen da, egoera fisikoari eutsi eta kirol-proba egiten segitzeko beharrezkoa duten jan-edaria.

k) Medikugastuak: azterketa medikoak, mutualitateak, farmaziako produktuak, produktu fisio-medikuak.

l) Aseguruak: erantzukizun zibila, istripuak, medikuak.

9. artikulua. Diru-laguntzen zenbatekoa.

Diru-laguntza izanen da, gehienez, onartutako gastu konputagarrien %70, eta inoiz ez, onartu eta justifikatutako gastuen %70 baino handiagoa.

Egindako eskaerak, diru-laguntzaren lerroan aurreikusitako kreditua gainditzan badute, honeixe erregularizatuko da:

Kalkulatuko da behin-behineko esleipenak zenbateko porzentajearen gainditzan duen diru-laguntzaren lerroan dagoen zenbateko erabilgarri osoa eta emaitza hori koefiziente zuzentzailea izanen da; ondotik, behin-behineko esleipenari aplikatuko zaio. Hau da, behin-behineko esleipena

54.000 euro (%100) balitz, eta lerroko 47.340 euro (%87,67) bagenitu, koefiziente murriztzailea %12,33 izanen litzateke. Beraz, behin-behineko 3.000 euro esleituko balira, behin betiko emaitza, koefiziente zuzentzailea aplikatuta 2.630,1 euro izanen litzateke.

10. artikulua. Antolamendua eta instrukzioa.

Baztango Udaleko Kirol Arloa izanen da oinarri hauetan bildutako diru-laguntzak emateko prozeduraren antolaketa eta instrukzioarako organo eskuduna.

11. artikulua. Balorazioa.

Eskaerak Balorazio Batzordeak aztertuko ditu, eta batzorde horretako burua Udaleko Kirol Arloko arduraduna izanen da.

Balorazio Batzordea kide hauek osatuko dute: alkateak, kirol arloko zinegotzi arduradunak eta kiroleko teknikariak.

Balorazio Batzordeak txostena egin eta bertan ebaluazioaren emaitza zehaztuko du.

12. artikulua. Balorazio irizpideak.

Onartutako gastu konputagarrietatik diruz lagunduko den ehunekoa:

1. Kirol-jardueraren antolaketaz arduratzea: Gehienez %20.

a) Kirol-jarduerak antolatzea, Baztanen gauzatuko direnak, mota hauetako jarduerak baldin badira: %20:

–Txapelketak.

–Txapelketak ez diren kirol-jarduerak.

–Oinarriko kiroleko kirol-eskolak, maila hauetakoak: kadeteak, haurrak, kimuak, benjaminak eta txikiagoak.

–Monitoreak, entrenatzaileak prestatzeko jardunaldiak.

b) Kirol-jardueretan parte-hartzea. Gehienez %12. Kirol-jarduerak diru-laguntza jaso ahal izateko; parte-hartze horrek diru-laguntza eskatu duen kirol-klubaren izenean izan behar du, haren izenean parte hartzen duten horien %70 Baztangoa izan behar du, gubxiengoen kirolean izan ezik, kasu horietan porzentajea %50era ekar daiteke eta; eta kirol-jarduera hauetakoren batean parte hartuko da:

–Txapelketetan: Gehienez %12.

–Federazioen txapelketa ofizialetan: %12.

–Ofizialak ez diren txapelketetan (kirol-federazioek antolatzen ez dituztenetan). Atal honetan maila hauek dira diruz-laguntzarik: gazteak, kadeteak, haurrak, kimuak, benjaminak eta txikiagoak. %5.

–Monitoreak, entrenatzaileak prestatzeko jardunaldietan: %5.

2. Tokiko kirola sustatzea (pilota eta herri kirolak): %11.

3. Oinarriko kirola sustatzea: %12 arte.

–Parte-hartzaileak kimuak eta gazteagoak dira: %12.

–Parte-hartzaileak haurrak eta gazteagoak dira: %10.

–Parte-hartzaileak kadeteak eta gazteagoak dira: %8.

4. Kirolean emakumezkoen parte-hartzea sustatzea: gehienez %5.

–Emakumezkoak parte-hartzaileen %20 eta %40 artean: %1.

–Emakumezkoak parte-hartzaileen %41 eta %60 artean: %3.

–Emakumezkoak parte-hartzaileen %61 eta %80: %4.

–Emakumezkoak parte-hartzaileen %80 baino gehiago: %5.

5. Kirolean Baztango herritarren parte-hartzea sustatzea. Kirol-klubaren izenean parte hartzen dutenen %80 baino gehiago Baztangoak: %5.

6. Borondatezko lana sustatzea. Ez dago monitoreendako eta entrenadoreendako ordainsaririk: %5.

7. Parte-hartzaile kopurua kirol jardueran. 30 parte-hartzaile baino gehiago: %3.

13. artikulua. Ebazpena.

Laguntzen eskaerei buruzko ebazpena emateko organo eskuduna Tokiko Gobernu Batzordea da. Balorazio batzordearen proposamena aztertu ondoren emanen du organo eskudunak bidezko ebazpena, eta interesdunei jakinaraziko die diru-laguntza eskatzeko epea akitzen den egunetik hiru hilabeteko epean, gehienez.

Paratutako epean ebazpen espresik ematen ez bada, eskaerak eztsizat hartuko dira.

Ebazpenean diru-laguntzaren zenbatekoa agertuko da, diru-laguntza onartu zaien eskatzaileen zerrenda bai eta ezetsitako eskabideen zerrenda ere.

Ematen den diru-laguntza bertze administrazio publikoek, erakunde publiko edo pribatuek eta norbanakoek, nazioek zein atzerrikoek, ematen dituzten bertzelako diru-laguntzekin bateragarria izanen da. Haien zenbatekoak, bakarrik edo denak batunik, ezin izanen du behin ere gainditu egin beharrek jardueraren kostua.

Diru-sarreraren eta gastuen justifikazioa aztertutakoan, diru-sarrerak gastuak baino handiagoak direla ikusten bada, Baztango Udalak hasieran onartutako diru-laguntzari gehiegizko diru-sarreraren zenbatekoa kenduko dio.

Halaber, justifikatutako gastuak aurreikusitakoak baino gutxiago direla ikusten bada, onartutako diru-laguntza murriztuko da laguntzaren ehuneko berberari eusteko.

Behin diru-sarreraren eta gastuen justifikazioa aztertuz gero, Balorazio batzordeak azterketaren emaitza biltzen duen txosten zehatza emanen du.

Onartu diren behin betiko diru-laguntzen Ebazpena Tokiko Gobernu Batzordeak egingen du Balorazio batzordearen proposamena aztertu ondoren.

Deialdiaren Ebazpena Baztango Udalaren webgunean argitaratuko da.

14. artikulua. Diruz lagundutako kirol-jarduerak justifikatzea.

Diru-laguntzak justifikatzeko agiriak aurkezteko modua eta epea.

–Epea: 2016ko Ilteltzaren 30a arte.

–Non: Baztango Udaleko Erregistroan.

–Agiriak: diruz lagundu den jardueraren bakoitzeko aurkeztu beharreko agiriak:

a) Eskaera egiteko aurkeztutako eskabide-ormia, benetako datuekin bete.

b) Jarduerari buruz informazioa:

–Dokumentazio grafikoa edo/eta ikus-entzunezkoa: prentsa, kartelak, publizitatea.

–Txapelketari edo/eta kirol jarduerari buruzko datu hauek: egutegia, partidetako aktak, lizentziak eskuratzeko betetako inprimakia, emaitzak.

c) Kirol-jardueraren memoria zehatza.

d) Kirolariaren benetako datuak:

–Parte-hartzaileen edota federatutako kirolariaren lizentzien zerrenda, kategorien arabera, ondoko datu hauek dituela: izen-abizenak, sorteguna eta eroldako helbidea.

–Lizentzia indarrean duten entrenatzaileen izenen zerrenda, maila zehazturik.

Kirol-klubak, diru-laguntzak justifikatzeko epea akitzerakoan, indarrean dagoen denboraldiko kirolariaren eta teknikariaren zerrendak aurkeztuko ditu.

e) Kirol-jardueraren gastuak.

Onartutako gastuen %100 justifikatuko da, ez Baztango Udalak emandako diru-laguntza kopurua bakarrik. Gastuak justifikatuko dira kirol-klubaren izenean dauden jatorrizko fakturen bidez; hauek, behin egiaztatu eta zigilatuta ondoren, diru-laguntzaren eskatzaileari bueltatuko zaizkio. Faktura horietan bilduko dira legeek eskatzen dituzten datu guztiak eta baita jardueraren edo zerbitzuaren deskripzio zehatza ere.

Hartu-agiriak onartuko dira bertze modu batez egiaztatu ezin diren gastuak zuzitzeko bakarrik, eta, edonola ere, hartu-agiria sinatzen duen pertsona ezin izan da enpresaria edo profesionala izan; hala balitz, faktura egin eta ematera behartuta ballegoke. Hartu-agiriak datu hauek bildu behar ditu: jaulkitzailearen izen-abizenak, IFZ eta helbidea; kirol-klub jasotzailearen izena, IFK eta helbidea; ekintza edo zerbitzuaren deskripzio zehatza; guztizko prezioa, eta tokia, data eta diru-jasotzailearen sinadura.

Joan-etorriak norberaren autoan egiten badira, gastuak justifikatzeko agiritan agertu behar du nork eraman duen autoa, joan-etorria nondik norat egin den, zertarako egin den eta data: Joan-etorria garrario enpresa baten bidez eginez gero, garraio enpresako faktura aurkeztu beharko da eta, bertan, legeek eskatzen dituzten datu guztiak agertuko dira, bai eta jardueraren edo zerbitzuaren deskripzio zehatza ere (joan-etorria nondik norat egin den, zertarako egin den, data).

f) Kirol-klubak izandako diru-sarreraren eta gastuen balantze orokorra.

g) Baztango Udalak, kasu zehatz bakoitza kontuan hartuta, kirol-klub onuradunari egokitzen jotzen duen bertze edozein dokumentazio osagarri eskatu ahal izan den dio, justifikazioa egiteko aurkeztutako dokumentazioa argitzeko.

h) Baztango Udalak eskumena du kirol-klub onuradunaren finantza-egoera egiaztatzeke beharrezkotzat jotzen duen guztia egiteko, barneko edo kanpoko auditoriak barne.

15. artikulua. Betebeharrak.

Diru-laguntzaren hartzaileek dirua, nahitaez, diru-laguntzaren helburuetan erabili beharko dute eta hala egin dela dokumentuen bidez justifikatu.

Diru-laguntzen hartzaileek diruz lagundutako jardueraren finantzatzeko eskatu edo lortutako bertze laguntza, diru-laguntza, diru-sarrera edo baliabideen berri eman beharko diote Baztango Udalari.

Egiaztatu eta kontrolatzeko lanak bermatzeko, kontabilitate liburuak, erregistro diigentziatuak eta behar bezala auditatutako bertzelako agiriak eduki beharko dituzte, indarrean diren legeetan xedatu bezala.

Diru-laguntzen onuradunek indarrean dagoen araudia bete beharko dute; batez ere, Baztango udal esparruan euskararen erabilera eta susta-

pena arautzen dituen ordenantza, eta, zekazki ordenantzaren 41. artikulua. Baztango Udalak, udalerrian egiteko, diruz laguntzen dituen kultura, kirol edo bertzelako jardueraren eta aktibitateetan, bai eta haien idazki, iragarki nola karteletan ere, euskarari lehentasuna eman beharko diote antolatzaileek”, eta 42. artikulua. Baztango Udalak euskara erabiltzeko gonbita egingen die udal instalazioak eta materiala erabiltzeko eta besta egunetan barrakak paratzeko baimena eskatzen dutenei. Horrekin batera, Udalak jakinaraziko die, behar izanez gero, Udaleko Euskara Zerbitzuaren hizkuntza aholkularitza baliatzen ahal direla.”

Kirol-klub onuradunek Baztango Udaleko ikur ofiziala erabili beharko dute diru-laguntzaren xede diren jardueren publizitatean eta zabalkundeetan.

Kirol-klubek berek egingen dute langileen kontratazioa, eta Baztango Udalak ez du kontratazio horretan erantzukizun subsidiariorik izan.

16. artikulua. Diru-laguntza nola eta noiz pagatuko den.

Emandako diru-laguntza transferentzia bidez pagatuko da, gehienez hiru hilabeteko epean Tokiko Gobernu Batzordeak onartu dituen behin betiko diru-laguntzak ebazten dituenetik kontatzen hasita eta alde zuretik gastuak justifikatuta.

17. artikulua. Ez-betetzeak.

Oinarri hauetan ezarritakoa ez betetzeak, gezurrezko datuak emateak edo Baztango Udalaren baimenik gabe diru-laguntzaren helburuak aldatzeko diru-laguntza galtzea eta jasotako dirua itzuli behar izatea ekarriko du. Orobat, ondotik egiten diren helburu bereko edo beratsuko diru-laguntza eskaerak bost urtez ukatzea ere izan dezake ondorio, legeek agintzen dituzten bertze erantzukizunak ezertan galarazi gabe.

Halaber, onuradunak betebeharrak ia osorik bete dituztenean eta zalan-tzarik gabe bere konpromisoak burutzeko jarrera frogatzen duenean, itzuli beharreko zenbatekoa aurreko atalean aipatzen den proportzionaltasun irizpideari segituz zehaztuko da.

18. artikulua. Aplikatu beharreko legeria.

Diru-laguntza hauek arautuko dituzte deialdiko oinarriek, dagokion urterako Baztango Udaleko aurrekontua beteazteko oinarriek, Nafarroako Toki Administrazioari buruzko, uztailaren 2ko, 6/1990 Foru Legeak, Diru-laguntzei buruzko azaroaren 17ko 38/2003 Lege Orokorraketa horiekin bat datorren gainerako legeriak.

Azken xedapeña.—Euskarazko eta espainolezko testuen artean interpretazio-auzirik sortuko balitz, euskaraz idatzitakoa hartuko litzateke aintzat.

L1513361

CAPARROSO

Jarduerarako lizentzia. Eskaera

Ingurumena Babesteko Esku-hartzeari buruzko martxoaren 22ko 4/2005 Foru Legean xedatua bete dadin, aditza ematen da Udalaren bulegoetan jendaurrean egonen dela hamabost egun baliadunean, iragarki hau Nafarroako Aldizkari Ofizialean argitaratu eta biharamunetik aitzina, ondotik zehazten den espedienteak, jarduerak ukituak gertatzen direnek epe horretan bidezko alegazioak egin ditzaten.

Sustatzailea: Rafael Górriz Noain. Jarduera: zerrien kontrol gunea eta atsedean hartzeko zentroa. 4.C eranskina. Tokia: Caparrosoko (Nafarroa) 3. poligonoko 430. lurzaila.

Caparrosen, 2015eko irailaren 29an.—Alkatea, José Aquilino Jiménez Pascual.

L1513439

CASTEJÓN

1. aldaketa, Castejongo Udalaren Musika Eskola erakunde autonomoko 2015erako aurrekontu luzatua. Hasierako onespina

Castejongo Udalak, 2015eko irailaren 25ean egin osoko bilkuran, hasiera batean onetsi zuen 1. aldaketa (goranzko doikuntza) Castejongo Udalaren Musika Eskola erakunde autonomoko 2015erako aurrekontu luzatua.

Espedienteak idazkaritzan egonen da ikusgai hamabost egun baliadunean, iragarki hau Nafarroako Aldizkari Ofizialean argitaratu eta biharamunetik hasita, bizilagun edo interesdunek azter dezaten eta egokiak iruditzen zaizkien errekamazioak aurkez ditzaten; hori guztia, Nafarroako Toki Ogasunei buruzko martxoaren 10eko 2/1995 Foru Legea aurrekontuen eta gastu publikoaren alorrean garatzen duen irailaren 21eko 270/1998 Foru Dekretuaren 33. artikuluan xedatuari jarraiz.

Castejonen, 2015eko irailaren 29an.—Alkatea, David Álvarez Yan-guas.

L1513352